

grüblein die selbenn weydtenn vnd setz es auff das Kreütz mittenn auff
der scham vnd vbersich auff denn nabel setz ein Linj vber zwerg vnd
nim auß der seydtenn der fünffteyl eins vnd setz an die mitler Linj des
Poffenn setz auff ein yetliche seyden ein fünffteyl an die Linj des hals
grübleins vnd far auff bedenn seydtenn herab auff die Linj des nabels
nym der vürteyl eins auff dem Kopff vnd setz ein teyl an die vntterenn
Linj vnd nym ein Richtscheyt vnd legs vber zwerg auff der Linckenn
seyden far von der Linj der prust herab auß der eckenn herab bis zum
vürteil das du vor gesetzt hast auff die vntteren Linj far von der scham
herab bis an die eüßern Linj des Poffen setz die Linj oberhalb des na
bels da das fünffteyl ist so far herab vom schenckel wie du vor hast ges
than nym nym ein vürteyl vnd setz an die Kreutz Linj herab vnd nym
ein zirkel vnd setz den zirkel mit dem ein fuß des puncts der achffel
vnd mit dem ein fuß setz in das mittel vnd zeu herumb bis an die oberrn
Linj nym thue den zirkel auff bis an das fünffteyl wie du es verzeych
net hast Reys mit dem zirkel herumb bis an das ort des . b . so hastu
des arms leng vnd der hent leng vnd thue den zirkel zu bis an die
oberen Linj des Kopffs vnd far herumb bis an die seyden vnd thue
denn zirkel ein wenig auff bis an die scheyttel vnd Reys ein wenig
herumb bis in die seyden / so hastu den ellenn bogenn oder das mitler
im arm so teyl die Linj des . a . in trey teyl vnd nim das achteyl in der
oberenn linj des . a . vnd teyls in trey teyl vnd nim der selbenn dryt
teyl eins vnd setz noch hinzu / vnd thue auff die vnteren Linj bey dem
sechsteyl vber zwerg treyzehenteyl / nym nym ein Richtscheyt / vnd
legs nach der Lennig auff denn punct wie du oben geteylt hast vnd
Legs auff die treyzenntenn teyl vnd mach ein linj herab nim du das
Richtscheyt vnd legs in denn winckel . d . vnd far hinauff bis in
denn winckel . a . der linj . a . die du for in trey teyl geteylt hast / so legs
das Richtscheitt auff denn erstenn punct / vnd zeu ein Linj bis zum
. d . so thue dem anderen punct auch also Nun nim den zirkel vnd
thue in auff die kleynstenn Linj miß von der vnteren linj hinauff bis
zum bunck der Linj miß vnter dem knoren hinauff bis zum kny / da
die . 3 . stenn vnd miß das ander felt / vnd nim die selbenn weyten
vnd setz auff die . 3 . des Knyß / vnd miß bis auff die hüfft da setz /
E